



ATASSUT
Steen Lyngé

UPA15/74-75-76-1
06.03.2015

Imaanut aqqartartut suliaqarneq aqqartartullu atortui il.il. pillugit inatsisip allannguutai pillugit inatsisip Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaat.

(Ineqarnermut, Sanaartornermut Attaveqaqatigiinnermullu Naalakkersuisoq)

Ilisimasortat pillugit inatsisip ilaata Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaat.

(Ineqarnermut, Sanaartornermut Attaveqaqatigiinnermullu Naalakkersuisoq)

Imarsiornerup isumannaatsuunissaa pillugu inatsisip allannguutaat pillugit inatsisip Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunanni Namminersorlutik oqartussat oqaaseqaataat pillugu Inatsisartut aalajangiinissaat.

(Ineqarnermut, Sanaartornermut Attaveqaqatigiinnermullu Naalakkersuisoq)

Siullermeerinnineq

Inatsisip pineqartut immikkoortuni 74,75 aamma 76 ataatsimut oqallisigisassatut saqqummiunneqartut imarsiornermut aammalu aqqartartut suliaqarneq aammalu aqqartartullu atortui pillugit inatsisaannik allannguinerik imaqarput minnerunngitsumillu ilisimasortaqaartussaaneq pillugu inatsip. Inatsisillu allangortinneri nunatsinnut atortuulersinneqarnissaat peqqussutit akuerinerisigut atuuttunngortinneqarnissaat Inatsisartut aaliangerisigut pisinnaavoq.



ATASSUT INATSIARTUNI

ATASSUT-mit allanguutit nunatsinnut atortuulersinneqarnissaat isumaqataaffigaarput. Nunatsinni isumannaatsumik angallassineq inatsisitigut sinaakkutinik ersarissunik tunngaveqarnissaa ATASSUT-mit pingaartitaraarput.

Ukiuni makkunani Imartatsinni takornarianik angallassineq annertusiartuinnarpoq siunissamilu takornarianik angallassineq suli annertusiartusssasoq ilimagineqarpoq. Isumannaatsumik takornarianik angallassineq erseqqissunik piumasaqaatalinnik inatsisitigut sinaakkuteqarnissaa nunatta aamma akisussaaqataaffigaa. Tamannalu tunngavigalugu inatsisit piumasaqaatinut ineriartormullu tulluarsartuarnissaat pingaaruteqarpoq.

Taamaammat - inatsisit ataatsimut suliarisavut immikkut oqaaseqarfiginngikkaluarlugit - maannakkut ATASSUT-mit nalunaarutigissavarput, inatsisit pineqartut nunatsinni atortuulersinneqarnissaat isumaqataaffigatsigu.

ATASSUT-mit oqaluuserisat aappassaaneerneqannginnerini ataatsimiitsitaliamut susassaqtumut ingerlateqqinnissaa innersuussutigissavarput.